

صاحبی ، مدیری ، محرری :

طاہر المولوی

آبونہ بدلی :

منہ لکی ۱۰۰ غروش

آلتی آیلنی ۵۰ »

اوج آیلنی ۲۵ »

محفصل

۱۳۳۸

ادارہ خانہ سی :

شہزادہ باشندہ (تعالی اسلام)

جمعیتی مرکز عمرہ میسی

مرکز توزیعی :

باب عالی جادہ سندھ اتحاد

تجارت کتب خانہ سی

اسلامک نفعہ خادم مقالات

مع الشکر قبول و دوج اولونور

دینی ، علمی ، ادبی ، اجتماعی و شہید بلک شہری مجموعہ اسلامیدر

عدد : ۳

۱۳۳۹ محرمہ مخصوص نسخہ

فی ۷ بوجوق غروش

مدرسہات

- محفصل دینی و علمی : وعید قرآنی - اورفہلی محمود کامل - انبیایہ انزال اولونان دین ، بر دیندر - اسکبلی محمد عاطف .
- برآیت مناسبتیہ - فرید . حکمت تشریع - صدرالدین . صوفیہ نک روح حقندہ کی تلقیاتی - آقہ کیلی احمد حمدی .
- محفصل تاریخی : محرم الحرام - طاہر المولوی . مشرکین عربک مشہور پوتلری - طاہر المولوی .
- محفصل اجتماعی : اسلام حیات اجتماعیہ سندھ آتیلاجی خطوہ لردن - علی خلیبی .
- محفصل ادبی : غنی کشمیری و بعض ابیاتی - طاہر المولوی . برقطعہ - طاہر المولوی . رباعی - شیخ عبدالباقی . نظم - محی الدین رائف .
- متنوعہ : برغنی ، استخلاف .

تبریک : سال جدیدک بالجلہ اخوان دین حقندہ متیمن اولماسی لطف الہیدن متمنادر

اسلام یولی

فاتح درسعاملرندن ابتداء داخل مدرسہ سی . مدیر عمومیتی اسکبلی عاطف اقدی طرفدن تألیف ایدلش اولان بو اثر ہر مسلمانک بیلغی لازمکن احکام اعتقادیہ و احکام عملیہ ، اخلاق و آداب اسلامیہ ایلہ حکم و فوائد تشریعیہ بی حاوی واجتماعیات و سیاسیاتہ دائر اصول اسلامیہ بی محتویدر .

ہر کسک آکلایہ جنی طرز اوزرہ آچیق ترکیہ اولہرق یازلش غایت قیمتدار بر علم خالدرکہ اوقویانلرہ دین و روحی افاضہ ایدر . بالخاصہ اولیای اطفالہ توصیہ اولنور .

محل فروختی : حکاکردہ کتابچی راشد افندینک دکانی ایلہ باب عالی جادہ سندھ اقبال کتب خانہ سیدر .

مقطرات و جیبی حاوی اولان

ربع دائرہ نک صورت استعمالی

اسطرلابدن سوکرہ ترکر طرفدن ایجاد ایدلش وامریقا کاشفی قریستوف قولومیک اننای سترندہ استعمال قیلنمش اولان ربع دائرہ ، بین الاسلام و بین الموقنین کثرتلہ قولالانیمقدہدر . علم ہیأتک کافہ تطبیقاتی و تخصیص اوقات شرعیہ و تفرعاتی فایت بسیط بر صورتہ حل ایلبان مذکور آلتک صورت استعمالی حقندہ کی تعریفات شکل اوزرندہ سلیس بر افادہ ایلہ ، منتسین علم ہیأتدن اخذضیا بک طرفدن ، یازیلوب طبع ایدلمکدہ اولدینی خبر آلمشدر .

دین معناسنه در. بر دین اهلی اولان امت و یا خود سائر لرندن
متمیز بر قوم مغالریته استعمالی صفتدن موصوفه انتقال
ولغته قیاس و تجوز طریقله مولد در. مابعدی وار

صدرالدین

صوفیه کرام حضرتانک روح مقننه کی

طرز تلقی بیری

روحك جسم و جسمانی اولمایوب جوهر مجرد اولدیغه
قائل اولانلر ایکی قسمدر. برنجی قسمی تشکیل ایدنلر
محققین متکلمین ایله فلاسفه آلهیون در.

ایکنجی قسم ایسه صوفیه کرام حضراتی در.
فی الحقیقه، عرفای صوفیه - یعنی وحدت وجود اربابی - ده
روحي جسم و جسمانی اولمایه رقی قبول ایدیورلر ایسه ده
بونلرک طرز تلقیسی فلاسفه نك کینه بکزه من. صوفیه
ایچنده روحی فلاسفه و جمهور متکلمین کی قبول ایدنلرده
وارد در. بناءً علیه بونلردن آریجه بجه لزوم یوقدر.
بوراده کندیلرندن بحث ایده جکمز صوفیه، وحدت
وجود مسلك عرفاننده بولسانلردر. بونك ایچون ده
غزالی و محی الدین کی حقیقه وحدت وجود مذهبك
ائمه سندن معدود اولان ذوات کرام ایله بدرالدین کی
اعظمک روح حقنده کی فکرلریخی نظر تدقیقندن کچره جکن.
مع مافیه بونلرک روح حقنده کی فکرلریخی تدقیق ایتهدن
اول « وحدت وجود » مسلکك استناد ایتدیکی عقیده
اساسیه ده دائر بر ایکی سوز سویله مک ایستیورز.

بو مسلکك منتسینندن اولان عرفای صوفیه متفقاً ادعا
ایدیورلرک: ماسوی الله = اللهدن ماعدا هر نه وارسه،
یعنی بوتون موجودات ممکنه؛ وجود مطلقك؛ یعنی ذات
بحت احديتک تجلیات اسما و صفاتیدر؛ و اونده مستهلکدر.
ذات احديت، کائناتی محیطدر. فقط هیئت مجموعه
کائنات، الله دیمک دکدر. تجلیات اسما و صفات، ذاته تغیر

ایرو ایرو تشکلاتنه، ایکنجیسی ترکیبده کی حالرینه کوره
آخرلرینک تغیراتنه دائر در. كذلك علم سیرتله علم حدیثك
رسول اکرم صلی الله علیه وسلم اقدمزه تعلقلری درکار اولمقله
موضوعلری متحد در دیانلر بولمشدر که بو قوله کوره
محمولاتك نوعاً مختلف اولملریله آریلورلر. لکن دقت
اولتورسه موضوعلریده مختلفدر. چونکه حدیثك موضوعی
رسول الله صلی الله علیه وسلم اقدمزك کنیدیسی دکل، بلکه اکا
نسبت اولنان اقوال و افعالدر که او علمده انلرک اسناد آصحت
و عدم صحتدن بحث اولندیغی معلومدر. كذلك اصول فقهك
موضوعی احکام الهیه در دیدیلر وارد در که بو قوله کوره
حکمت تشریعه له موضوعلرینک متحد اولدقلری ظن
اولنه بیلیر. لکن اوراده مقصد احکامك صور و انواعی
اولوب بیلینه جک اولان ده انلرک اوصافی، ادله مظهرملرینک
صورتلریدر. بوراده احکامدن مقصود ایسه آنلرک صور
مجرده لری دکل، ماده لری مسائلك احکام مخصوصه لریدر که
بیلنه جک اولان ده انلرک حکم مقتضیه لریدر. موضوعلرک
مختلف اولدیغی ظاهر در.

منطقیینک هر حکمك موضوعی انك اعراض ذاتیه سندن
بحث اولنان ماهیت کلیه در مسائلنده بر عنوان اسمی یا وصفی
ایله بعضاً عمومی اوزرنده بعضاً بر نوعی ذکر اولتور.
گاه مطلق و کاه مقید اولور دیملری ده بیان واقعه موافق
اولوب شو قدر وار که بونلر اعراض اسمی اوصاف لازمه یه
تشمیل ایتشلر ذاتیه تعیرینی بو مقامده علمده مطلوب
اولیان احوال غریبه مقابنده قوللا تیشلر و محققلری بو
اصطلاحه لزوم اولمادیغی ده بیان ایتشلدر. صفات لازمه دن
بعضیلرینه جزء حقیقت و بعضیلرینه خارج تسمیه سنی
مشمئل اولان ابیات طویلله لری ایسه محض اعتباره راجع
اولمقله حاصلسر و آنقا اشارت اولندیغی اوزره کلیاتك
خارجده موجودیتی زعمنده بولنان مثل مطلقه اربابندن
ماخوذ اولمقله اصلسدر.

(۵) ملت کله سی (قل صدق الله فاتبعوا ملة ابراهيم
حنيفاً وما كان من المشرکین) آیت کریمه سنده اولدیغی کی

و تبدل طاری اولمقیزین هر آن برشان اوزرینه تجلی ایدر.
(کل یوم هو فی شأن)

الله ، وجود مطلق در ، یعنی هیچ برشی ایله تعین و تقیدی قبول ایتمین و : « قائم بذاته ، مقوم لما سواه ، متحقق بنفسه ، محقق لما عداه » اولان وجود حقیقیدر .
اللهدن غیری حقیقی بر وجود یوقدر . کائنات بزه روح و ماده اولق اوزره وجود مطلق ایکی طرز تجلیسنی عرض ایدیور . روح ایله جسم ، وجود مطلق اطوار تجلیاتندن ایکی طور تجلیسنی در . بوا یکی طور ، عادتاً وجود مطلق مظهر صفاتیدر . بناء علیه ایکیسی ده عینی وجودک باشقه باشقه کور و نوشلری در . روح ایله جسمک یکده یکر یله مناسبتده بولونملری و برینه اجرای تأثیر ایتلری ده بوندندر . وجود حقندن ماعدانه وارست هپسی حقک وجودی ایله قائم ، اونک کولکه سی در ؛ وهم و خیال قیلندن در . [۱]

شمدی بو عقیده اساسیه بی مسلك خاص اتحاد ایتیش اولان ذوات کرامک روحی نه بولده تلقی ایده جکلری ده آکلاشیلیور . بونک ایچوندکره تصوف اربانه کوره : « روح ، لطیفه مدرکه ربانیه در ؛ نیر فیض و حیاتک مظهری در ؛ روح عمومی دیمک اولان او نیر فیض و حیاتک ، او آتشک برقیو یلجمی در . »

بولطیفه مدرکه ربانیه نک صورت تجلیسنی و جسم دیدیکمز تجلی دیگرله اولان مناسبتی دها زیاده توضیح ایده بیلیمک ایچون یوقاریده اسملری کچن اطامک بو بیده کی افکار دقیقه لرینی مفصلاً ذکر ایده جکم .

غزالی مرحوم بر چوق اثرلرنده بولطیفه مدرکه ربانیه دایر بیان مطالعه ایدیور . فقط بونلرک اک جمعیتلیسی . « المصنوع به علی غیر اهله » « المصنوع الصغیر » نامنده کی اثرلرنده سرد ایتیش اولدینی افکاردر .

امام غزالی حضرتلری کندیلرنده آکلامق استعدادی

[۱] کل مافی الکوون وهم او خیال - او همکوس فی المرایا و ظلاله ،

اولان کیمسه لره بولطیفه مدرکه ربانیه نک حقیقتندن بحث ایتیمکده بآس اولدینی اعتقادنده در . بونک ایچون بو اثرلرنده روحک حقیقتی بیان ایتدیکی فکرنده در .
مابعدی وار آقسه کیلی

احمد حمدی

محل تاریخی

محرم الحرام

جناب حق محمد و ثنا اولسون که (تاریخ اسلامی) مزک ۱۳۳۹ نحی دوره سنی ادراک ایدیوروز .

اهلنک معلومیدرکه : بین المسلمین جاری و معتبر اولان بوتاریخ ؛ مکه افقلرندن دوغان آفتاب رسالتک سمت الرأس مدینه یه یوکسه لمه سندن ، یعنی بلده مبارکه طینه نک هجرت محمدیه ایله اشرف ایتمه سندن باشلار . فقط بومبدا تاریخی ؛ عصر سعادتده دکل ، دور فاروقیده قبول اولونمشدر . اوندن اول قوم عربک ثابت و منتظم بر تاریخی یوقدی . بر ایشک پک اسکی زمانده وقوعی آکلامق ایستلرسه (کان ذلک زمن الفطحل) دیربر و [فأنک کسری ، طانک فنجی ، حانک و لامک سکونیه] (فطحل) کله سندن نوح علیه السلام دورینی ، یاخود خلقت آدمندن مقدمکی زمانی قصد ایدرلردی .

بزم (جنویز زمانندن قالما) تعبیر عامیانه سی کی برده (عادی) نسبتی واردی که بونکله ده عاد قومندن بقیه واسکیدن قاله معناسنی آکلارلردی .

فطحل زمانندن صوکره بویوجک و اهمیتلی وقایعی تعیین زمانه مدار اتحاد البشریدی . مثلاً حجاز عربلری (وقعه فیلدن شوقدر بیل مقدم . یاخود (کعب) ک وفاتندن بوقدر سنه صوکره) دیرلردی .

بو وقایعک اک مشهور و مبدأ تاریخ اولق اوزره مذکور بولونانلری شونلر ایدی : حضرت ابراهیمک